

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-88-23/22

Datum: 08.08.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) VD direktora donosi

O D L U K U
o izboru najpovoljnijeg ponuđača u postupku javne nabavke
potrošnog materijala za ambulantu

I

Prihvata se preporuka Komisije za javne nabavke broj 07-88-22/22 od 05.08.2022. godine i Ugovor o javnoj nabavci potrošnog materijala za ambulantu za potrebe Ugovornog organa dodjeljuje se ponuđaču PZU APOTEKA „ALMA“ TUZLA sa ukupnom cijenom ponude od 1.997,75 KM sa PDV-om kao najpovoljnijem ponuđaču.

II

Ugovor o nabavci iz prethodnog člana ponudiće se izabranom ponuđaču u roku od 10 dana od dana dostavljanja ove Odluke.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona je ponovo pokrenuo postupak javne nabavke potrošnog materijala za ambulantu broj 07-88-2/22 od 30.06.2022. godine, koji je objavljen na portalu javnih nabavki pod brojem 1247-7-1-124-3-11/22 dana 30.06.2022. godine, a na osnovu Odluke o pokretanju postupka javne nabavke potrošnog materijala za ambulantu i savjetovalište broj 02-237-1/22 od 16.02.2022. godine.

Poziv za učešće u predmetnom postupku javne nabavke je upućen sljedećim ponuđačima: APOTEKE ADONIS LUKAVAC, PZU APOTEKA „ALMA“ TUZLA i PZU APOTEKE IBN SINA TUZLA. Tendersku dokumentaciju je sa Portala javnih nabavki preuzelo 14 ponuđača. Za predmetni postupak predviđeno je provođenje e-aukcije.

U roku za prijem ponuda za predmetni postupak javne nabavke zaprimljene su dvije ponude i to ponude ponuđača PZU APOTEKE ADONIS LUKAVAC i PZU APOTEKA „ALMA“ TUZLA.

Komisija za nabavke (u daljem tekstu: Komisija) je konstatovala da su zaprimljene ponude blagovremene, ispravno zapečaćene i pristupila njihovom otvaranju. Po završetku otvaranja zaprimljenih ponuda Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14), dostavljen ponuđačima putem fax/email-a.

Komisija je zatim pristupila pregledu i ocjeni dostavljenih ponuda. Obzirom da pregled ponuda započinje provjerom računske ispravnosti istih, Komisija je, primjenom metodologije definisane članom 5. stav (4) tačka a) Uputstva, odmah konstatovala računske greške kod ponuda oba ponuđača i uputila zahtjeve za prihvatanje ispravke računskih grešaka.

Dana 04.08.2022. godine Ugovorni organ je zaprimio odgovore oba ponuđača po dostavljenim zahtjevima i to:

- Ponudač PZU APOTEKA „ALMA“ TUZLA je dostavio odgovor u kojem prihvata ispravku uočene greške računске prirode, jer je prema jediničnim cijenama koje je imenovani ponudač dostavio u Obrascu za cijenu ponude, ukupna cijena ponude bez PDV-a trebala da glasi 1.707,48 KM, a ne 1.709,21 KM, iznos PDV-a od 290,27 KM, a ne 290,57 KM, odnosno ukupan iznos ponude sa PDV-om bi trebao da glasi 1.997,75 KM, a ne 1.999,78 KM.
- Ponudač PZU APOTEKE ADONIS LUKAVAC je takode dostavio odgovor na zahtjev sa objašnjenjem da su za stavke 19., 20. i 21. greškom dali jediničnu cijenu od 0,8547 KM, a trebalo je da navedu 0,08547 KM te da prihvataju ispravku iste. Imajući u vidu navedeno, Komisija je konstatovala da se u ovom slučaju ne radi o računskoj greški u smislu člana 17. Uputstva, koju Ugovorni organ može ispraviti uz saglasnost ponudača, jer se prema članu 17. stav (5) Uputstva, jedinična cijena pojedinačnih stavki ne smatra računskom greškom, odnosno ne može se ispravljati. Shodno navedenom, ponuda ponudača PZU APOTEKE ADONIS LUKAVAC je odbijena.

Shodno navedenom Komisija je konstatovala da ponuda ponudača PZU APOTEKA „ALMA“ TUZLA u ukupnom iznosu od 1.707,48 KM bez PDV-a odnosno 1.997,75 KM sa PDV-om ispunjava sve uslove postavljene tenderskom dokumentacijom te je prihvatljiva ponuda za Ugovorni organ.

Obzirom da je u predmetnom postupku javne nabavke primljena jedna prihvatljiva ponuda e-aukcija se, u skladu sa članom 3. stav (3) Pravilnika o uslovima i načinu korištenja e-aukcije (Službeni glasnik BiH broj 66/16), ne može zakazati, nego će se postupak okončati u skladu sa članom 69. Zakona.

Shodno navedenom Komisija je predložila da se ponuda ponudača PZU APOTEKA „ALMA“ TUZLA prihvati, te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od pet dana od dana prijema odluke.

Dostaviti:

1. Ponudačima
2. a/a

VD DIREKTORA
Sarihodžić dr. Majda, spec. socijalne medicine
 MA menadžmenta

